

505

QVÆSTIO MEDICA

CARDINALITIIS DISPUTATIONIBVS MANE

DISCVTIENDA IN SCHOLIS MEDICORVM, DIE IOVIS II.

APRILIS, M. IOANNE BEAV-CHESNE DOCTORE MEDICO MODERATORE.

An conuulsioni quartana superueniens, bonum?

MORBORVM capitalis hostis Natura, omni arte prior, potior, potentiorque, quibus facultatibus optimam vitam tutatur, iisdem lapsam sanitatem restituit; nec solo natiuo calore, actionum omnium opifice, sed & morbo morbum, quasi clauo clauum trudit: sic ophthalmiam diarrhœa, lenteriam & *διεσπασμένη*, lethargumque phrenitis soluit, sic febris *μύγξι καὶ ἀγνία*, vehementiorem ad hypochondrium dolorem, grauedinem & raucedinem radicatus, vel etiam citrà recidivæ metum exterminat, sic & conuulsionem quartana.

CONVULSIO est musculi inuolutaria caput versus contractio, in qua interdum cerebrum, interdum spinalis medulla locus affectus est: si cerebrum, partes omnes ràm è diuerso, quàm è directo acturum retorquentur: hinc insultus epilepticus (quem humor melancholicus & pituitosus, quem utraque bilis profert) vniuersum nervosum genus incessit: si spinalis medulla, *ἐμπαρόδοτος* in qua ceruix prona, *ἐπαρότος* supina, *ἀγνός* recta & immobilis rigescit. Denique pro varia nervorum varias in partes propagatione particulares inolescunt conuulsiones. Ex his aliæ per idiopathiam, aliæ per sympathiam fiunt, omnis omnium causa ad inanitionem atque plenitudinem referenda.

INANITIONEM, quæ alimentarium & primigenium nervorum succum funditus exhauriunt, causæ moliuntur. Pharmaci ut elleari, & antimonij vis effrenis, febris ardens, sanguinis profusio, vigilie, inedia, bilis mordaciumque humorum acrimonia & orgasmus, cholera, quæ, ut & alia, lethalis est, nisi lipyrijs febribus superaccedat. Quæ in nervo non sunt fixæ, & ob exactum sensum per condolentiam, ut frigida qualitas, mordax, aeris, à punctura scorpionis, veneno, sordibus ventriculi, vteri, ulceris, lumbricorum fœtore, metu, pullulascunt, tertiam non constituunt speciem, nec omninò medicamentorum conatus elidunt.

PLENITUDO proficiscitur ab vbertate humoris crassi vel sanguinem congelantis, vel usqueadè meatus obturantis, ut perennis spirituum animalium *ἀνάδωξις* & effectus prohibeatur. Hinc pituitosi & melancholici crebrius affliguntur hoc affectu: cuius causæ proximæ congestio materię & affluxus vaporis crassiusculi, vnde nervosæ musculosæque partes affluentius, quàm par est, offerciuntur. In mulieribus imprægnatio, vel spermatis corruptio, si vterus suo nectare defraudetur, vel secundinæ recentio, cui *ἀεμὸς ἐπὶ τῷ ὕδατι* bonum. Remotæ astringina constitutio, hylemalis tempestas, vitæ desidis ratio, & quæ *τῆς ἀνότητος* proventum suggerunt copiosiorum.

CONVULSIO ex humida materia stabulatur in nervo minore cum periculo, quàm quæ sicca est, licet nervus natura siccus. Hæc curatur concoctione & euacuatione: proinde diæta præstò aderit *λεπτωτέρα καὶ ἀπτερετός*, primum venæ sectio, exindè catharsis: sed imprimis quartana febrim securissima (modò spontè, non artis industria superueniat) salutaris est. Illa si quid parietibus nostri corporis tenaciùs inhaerescit suo rigore per sudores, per vomitus, atque per alui dejectionem foras eliminat; Illa inquam vi sui caloris partim superfluum humorem digerit, partim frigidum concoquit, quæ præcipuæ sunt curandæ conuulsionis indicationes.

Ergo conuulsioni quartana superueniens, bonum.



Asserebat Lutetiæ MAVRITIVS DE MONSTR'OEIL Parisinus, Anno R. S. 1615.